

列傳

儒林

宋

管師復武陵人從胡安定學陳襄嘗以師復經明行修與伊川同薦為學官不就隱居武陵自號為白雲先生第師常

與齊名人稱二管

明統志府志

姓譜管師復龍泉人與

自號白雲先生仁宗召至問曰卿所得何如對曰滿塢白雲耕不盡一潭明月鈞無痕臣所得也不受爵命按括蒼彙紀師復龍泉人白雲作卧雲今武陵北鄉六十五里被紫山有管白雲墓又府北七十里有白雲山

楊枋經義考武陵人號存齋淳祐中進士第出號字溪嘗師

常德府志

卷四十一

列傳儒林

事晏涪陵先生源流得之晦菴世稱枋為大楊先生出為

小楊先生

舊志

按姓譜二楊武陵人師事朱晦菴友其

人著存齋易說楊出著字溪易說其後裔又有玉井易說而楊用修志全蜀藝文曹能始記蜀中著作均未之及疑二楊為武陵人寄籍蜀中者歟

丁易東字漢臣武陵人咸淳戊辰進士仕至朝議大夫太府

寺簿兼樞密院編修官入元屢徵不起築石壇精舍教授

生徒捐己田以贍之事聞於朝授以山長賜額沅陽書院

著梅花詩百餘律周易象義十六卷大衍索隱三卷自序

謂既成原衍翼衍二書復萃五十七家之說為稽衍黃節

瑞稱其出於朱蔡之外為更備云

按丁易東爵里見四庫書目出永樂大典作武

龍陽縣志易東縣石壇人官編修宋區
隱于滌東黃龍坡建精舍曰石壇志不忌也
明

張致和武陵人建文己卯舉人入監任四川仁壽教諭有學
行施教無間寒暑邑士多造就秩滿諸生保留復任二十
年舊志

靳暹龍陽人永樂甲午舉人授榮昌縣教諭陞河南彰德教
授博學有師範整興學校士類賴以成就舊志

陳良字時佐武陵人舉成化庚子祖春雲南澂江府推官父鏞浙
江海寧衛經歷良由乙榜歷任開縣武進京衛三學教職
嚴立條格日具公服與諸生晰經史無懈容士皆感勵嚮

常德府志

卷四十一

列傳儒林

二

學應聘分校福建浙江鄉試有精鑑以子洪謨貴增如其
官入祀鄉賢按湛若水神道碑良補京衛武學訓導以舉士行應詔其墓誌則李東陽為之著有
開縣志西谷漫藁舊志參神道碑

李思文字宗稷龍陽人成化丙午舉人制行端慤為文有典
法任安岳教諭陞揚州府教授申明禮義士習以變時方
擢用遽告歸居鄉敦族教子皆有法舊志

蘓顯字文明桃源人初以歲貢肄業南監事將竣惟餘六日
適繼母訃至家人欲少匿之俾得卒事顯聞之即日發喪
中弘治戊午應天鄉試授儀真教諭歲荒捐俸賑士之貧
者陞青陽知縣數月入覲乞休歸舊志

冀元亨武陵人字惟乾篤信守仁學舉正德十一年丙子鄉
試從守仁於贛守仁屬以教子宸濠不軌而外務名高
書守仁問學等往使元亨往宸濠語挑之佯不喻獨與之
論學宸濠自爲癡他日講西銘反覆君臣義甚悉宸濠亦
服厚贈遣之元亨反其贈於官已宸濠敗張忠許泰誣守
仁與通詰宸濠言無有忠等詰不已日獨嘗遣冀元亨論
學忠等大喜榜元亨加以炮烙終不承械繫京師詔獄世
宗嗣位言者交白其冤出獄五日卒元亨在獄善待諸囚
若兄弟囚皆感泣其被逮也所司繫其妻李李無怖色日
吾夫尊師樂道豈他慮哉獄中與二女治麻枲不輟事且

常德府志

卷四十一

列傳儒林

三

白守者欲出之日未見吾夫出安往按察諸僚婦聞其賢
名之辭不赴已就見則囚服見手不釋麻枲問其夫學日

吾夫之學不出閨門衽席間聞者悚然明史王守仁傳

龍場元亨與蔣道林往師焉從之之廬陵踰年而歸正德
十一年湖廣鄉試有司以格物致知發策先生不從朱註
以所問於陽明者爲對主司奇而錄之陽明在贛先生又
從之主教濂溪書院宸濠致書問學陽明使先生往答之
濂談王霸之畧先生味味第與之言學而已濂撫掌謂人
日人癡亦至此耶一日講西銘先生反復陳君臣之義本
於一體而動濂濂大詫之先生從容復理前語濂日此生
大有膽氣遂遣歸濂收忌陽明者欲借先生而陷之逮至
京師榜掠不服科道交章頌寬出獄五日而卒在獄與諸
囚講說使囚能忘其苦先生嘗謂道林日贛中諸子頗能
靜坐苟無見於仁體槁坐何益觀其不挫志於艱危信所
言之非虛也癸未南宮發策以心學爲機姓謹元亨武陵
人正德丙子鄉薦幼有志操每以古人自稱待對妻
貞率族人以正爲學務探本源不爲口耳之習學者稱之

信常德人字卿實年十四居喪毀瘠與同郡莫元亨善
守仁謫龍場過其地借元亨事焉嘉靖初貢入京師復師
湛若水若水為南祭酒門下士多分教至十一年壬辰舉
進士累官四川水利僉事却鄱州土官賄竇妖道士于法
遷貴州提學副使建書院二廩羣髦士其中龍場故有守
仁祠為置祠田坐擅離職守除名信初從守仁遊時未以
良知教後從若水遊最久學得之湛氏為多信踐履篤實
不事虛談湖南學者宗其教稱之曰正學先生卒年七十
九明史明儒學家信少而端嚴盛暑未嘗袒襦不信形
家術母沒自擇高爽之地以葬登嘉靖十一年進士第
授戶部主事轉兵部員外郎出為四川僉事與利除害若
嗜欲有道士以妖術禁人先生名之術不復驗竇之於法

常德府志

卷四十一

列傳儒林

四

陞貴州提學副使建書院二所曰正學曰文明擇士之秀
出者養之於中而示以趨向使不汨沒於流俗龍場有陽
明祠為置祭田湖廣清江五衛諸生鄉試去省險遠多不
能達乃增貴州解額使之附試尋告病歸御史以擅離職
守劾之削籍後奉恩例冠帶間住先生築精舍於桃花岡
學徒雲集遠方來者即以精舍學田廩之先生危坐其中
絃歌不輟惟家祭始一入城間或出遊則所至迎請開講
三十八年十二月庚子卒年七十九屬續時作詩曰吾儒
傳性即傳神豈向風塵滯此身分付萬桃岡上月要須全
夜一齊明先生初無所師授與冀闕齋考索於書卷之間
先生謂大學知止當是識仁體闕齋躍然曰如此安定靜
慮即是以誠敬存之陽明講龍場過武陵見先生之詩而
解之先生遂與開齋師事焉已應貢入京師事甘泉及甘
泉在南雍及其門者甚眾則合先生分教之先生棄官歸
甘泉遊南岳先生從之彌月後四年入廣東省甘泉又入
年甘泉再遊南岳先生交從之是故先生之學得於甘泉
者為多也先生初看論語與定性西銘領得萬物一體是
聖學立根處三十二三時病肺至道林寺靜坐久之二月
忽覺洞然宇宙渾然一身乃信明道廓然大公無內外是
如此自身與萬物一體是如此始知向來領會原是思

去默識尚遠此一悟於理氣心性人我貫通無二以為六
 經具在何嘗言有箇氣又有箇理凡言命言道言誠言太
 極言仁皆是指氣而言字由海是一塊氣氣自於穆自無
 妄自中正純粹以精自生生不息只就自心體認心是氣
 生之便是一言天命之性豈有個心又有個性此氣
 充塞無絲毫空缺一舉一動風雨露雷凡人耳目口鼻四
 肢百骸與一片精靈知覺總是一團太和中間清濁剛柔多
 我及日宇宙只是一氣渾是一團太和中間清濁剛柔多
 少參差不齊故自形生神發五性感動後觀之賢愚剛柔
 善惡中自有許多不同孟子獨言性善此處非功夫與天
 命合一不能知也動而無靜靜而無動靜善此處非功夫與天
 純粹至善的頭面便現出來便知性知天知柔知剛助那
 差惡辭讓是非便隨感而應孟子言性善正是於此處見
 得又曰二五之精即是理無極之真原是氣無極之流行
 變易便為二五之精二五之精妙合而凝便乾道成男坤
 道成女化生萬物知二氣五行與男女萬物本自無而有
 則知仁義中正之極由靜而立先生既從一靜一動之間
 握此頭腦謂動而未形有無之間所謂幾者聖賢戒謹恐
 懼正是如此精一用處即是體和處即是未發之中夫周
 子之所謂動者從無為中指其不測滅者而言此生生不
 已天地之心也誠神幾名異而實同以其無謂之神先生以念起
 無而實有謂之幾以其不落於有無謂之神先生以念起
 處為幾念起則形而為有矣有起則有滅總極力體當只
 在分殊邊事非先生躬歸理一之旨也先生之論理氣心
 性可謂獨得其要而工夫下手反遠之何也姓譜信武
 陵人少為諸生貧甚郡守憐之令捧節適屬縣例得魏贈
 為助信一無所愛王守仁論龍場高武陵講學信雖與之
 遊而卓然自異不盡是姚江之言

實蹟錄先生諱信字卿實號道林始祖文舉鳳陽人元末

為常德別駕遂家武陵數傳生紳及經紳為雲南大理府

知事經生信贈兵部車駕司員外郎早逝母萬氏以長

以教俾至於成年四十始採芹於泮四十六以選貢試南

闈中第九兩試禮闈登嘉靖壬辰進士累官兵部車駕

武選司貴州提學副使旋告病歸里築精舍於郡東之桃
花園日講學其中買田數十畝以館學者四方從遊以千
計庠舍莫能容環池之水翰墨生香先生設門人歸政精
舍爲祠田爲祭田每仲春秋次丁祀先生以門人姚世英
柳東伯丁有周龍德爭龍等中徐仲文丁應賓姚學閔初
元標陳可禹郭訪曹司等向望臺草榻驛馬伏胡順華唐
鍊柳東作配從弟俊江等教諭子如川字維東號細林官
雲南歸化令有學行兼善詩文如止字善臺成貢生孫孟
奇字平仲號四林官益陽教授善談笑圍棋以才著孟昌
字晦如號五林曾孫鏞字巨源善詩能飲年六十餘城陷

常德府志

卷四十一

列傳儒林

六

罵賊死

湖廣總志信擢貴州提學副使通判廣征苗郡御
史某機信往湖北議兵餉信聞命即日就道不及
辭御史御史刻其擅離職守罪籍歸

唐州武陵人嘉靖戊子舉人與蔣信爲同年友而師事之潛

心理學樂道不仕號陶山先生著有甘露集聞微奇言及

踏莎草詩集與孫子達並祀鄉賢從子治子盛萬歷

己卯舉人知泮鄉縣俱明經高行以埋學名舊志參

胡維字用張武陵人幼苦志舉子業食餼登明經事蔣道林

參慎獨之與桃岡日錄推維第一舊志

徐仲文武陵人嘉靖辛酉舉人以孝友稱從蔣道林遊講學

桃岡深有所得道林此其藝口如珠走盤而不離盤授江

津知縣孫之初萬歷丙午舉人歷官廣州海防同知 舊志

譚憲字慎之武陵人少以孝稱親喪廬墓三年巡按學使累

旌獎之嘉靖間以明經授祥符訓導巡撫某檄憲校閱大

梁書院課藝盡心點竄視如家塾移陝州學正檄主河洛

書院講求濂洛之傳士興於學陞知縣而卒 舊志

曹司忠武陵人隆慶貢生萬歷丙戌任安仁教諭申明倫紀

務勤學以身教捐俸立課會品臨高下以示勸戒修建戟

門及兩廡開泮池造祭器士風丕變 通志

黃文燧字惺原沅江人萬歷歲貢授桂東縣訓導博採古今

倫類得失著法戒錄一篇嘗沿江種柳數十里以防水泛

常德府志

卷四十一

列傳儒林

七

居家儉朴好施與歲禳設粥賑饑收厝道礮鄉人義之 縣志

楊時芳字中行號可亭武陵人萬歷副貢補南郡司訓不仕

嘗校刻蔣道林桃岡日錄並訂定薛文清年譜捐金倡修

潛水橋建德山石塔八方樓暨府學鼎文閣以子鶴孫嗣

昌貴累贈如其官 舊志

商書字文載武陵人幼慧年十三已食餼嘉靖丙午擬中復

失萬歷癸酉選貢廷試第一授丹陽訓導丹陽大邑連四

科無鄉薦者書捐金改建學宮當科連發四人皆吳中名

彥署丹陽縣事中雪祭酒姜寶之忠邑人士義之入丹陽

名宦後陞瀏陽教諭致仕閉門著述有墨池集郡人以孝

女理學請祀鄉賢舊志

姚世英字子發武陵人忠謹目不斜視為蔣信入室弟子時編戶苦力役富者百計求脫英遣子赴役戒以勿辭監司直節皆造門禮之弟世才字秀池與世英同貢入京師人稱世英為大姚先生稱世才為小姚先生世才子學會學閔孫孫鳳俱登甲乙科以學行顯舊志

國朝

劉體安昌臣子康熙歲貢選黃陂訓導著祀典輯要具言禮器樂舞之制改茶陵值草寇陳丹書為亂體安陞賊大罵自刎不殊賊遁復獲弟體恒體謙俱工詩古有聲譽一統志

常德府志

卷四十一

列傳儒林

八

文鵠號木村桃源人穎悟博學少時以試義通五經補諸生攻苦刻勵兩中副車老得歲薦司鐸永興學以主敬行恕為要每舉平生所服膺與學者共勉正己率物鄉黨畏化有王彥方之目奉縣志 旨崇祀鄉賢祠通志

陳亮虞字佐平武陵明經少就傅終日端坐凝思陳維國見之目為讀書真種子雍正間郡累大役多積逋邑令某以徵解限迫悉械致鄉人轉相株引亮虞鬻田數十畝悉與代償族人因產構訟復捐產解之選辰谿司訓賢宮新燬捐俸倡建邑故有學田久為奸豪強私并亮虞清核申詳復歸於學計其租分給諸生歲為常例泐諸石旋攝淑

象報沈州學事時猶疆用兵當事委督儲胥以勞瘁致疾
歿請賻得邀 恤典辰淑沉三學門人私謚貞慤從子秉
元字健亭邑廩生好學醇篤有師範手抄各籍盈箱大書
分注無一字簡率門人入詞垣者三人誅辭
實畧

陳宏儀字象九武陵歲貢選攸縣訓導為童子時巡撫趙申
喬觀風拔置第一雅重之嘗買僕問其家別無後焚券遣
歸司攸縣鐸有庠生不字其孽出弟稍為僕者宏儀陳邑
令欲置其人於法人誦廉明歿後攸邑士為易名莊敏子
樹棠侍母病或贈詩云籲疾能回三日死蓋稱其孝誅

楊璋字容望武陵人幼穎悟過目輒能記尤邃於易舉鄉薦

常德府志 卷四十一 列傳儒林 十九

選湘陰教諭學宮圯捐俸倡修日與諸生論學不問脩脯
貧者更資助之終於署諸生百餘人和與舍歛賻櫬同里
周如轍字亞蘇前殉難瀘溪令晉瑛之曾孫晉瑛事見辰州府志以明
經選桂陽教諭儉約起家而取與介然桂俗爭訟多赴學
具控必諭令自解卒於署諸生皆出涕入祀濼浮祠

于公裔字胃遠桃源人舉乾隆戊午科任藍山教諭藍邑大
歛請縣均糶人被其惠弟公懷副貢生公袞舉己亥 恩
科寧遠教諭皆有文行

雷在嵩字中山龍陽貢生雍正中邑舉 孝廉方正不就選漕
州學正善易究極理數一原考訂喪 禮人稱通儒

世祿字爾康號北麓沅江人恩貢生閉戶篤學著易經淺
揆十二卷茶陵彭維新極印可之附十九

文苑

南北朝

伍安貧武陵人博雅嗜學梁累降元繇之聘皆以疾辭嘗撰

武陵圖志明統志按統志既稱圖志為伍安貧所著而

酉陽雜俎 而姓異書則地同而名異

黃閔武陵人博學善屬辭嘗撰元志補遺可紀唐章懷太子

註郡國志多採其說楚紀

唐

常德府志

卷四十一

列傳文苑

十一

董佺字庶中武陵人元和中為荆南從事移疾歸卧武陵幼

嗜詩老而不倦與杜甫盧象包佶李紆遊劉禹錫叙其詩

云片言可以明百意坐馳可以役萬景得董生之詩如博

玉屏浮層瀾明金翠羽得於遐裔非風塵中物也有武陵

集一卷載唐書藝文志楚紀參

五代

李宏皐唐末八座善夷之子善夷左遷武陵卒官宏皐為馬

氏擁入湖湘授學士每歲奏至京詞臣降嘆李崧相國深

器之後馬氏兄弟結隙與弟宏節俱遇害雅言雜記 五

代詩話宏皐少避世乾坤窄此地安家日月長碑草幾經柳杏老巖花猶

帶淵他年倘遂歸休志來著霞衣侍玉皇十國春秋
宏高宏臯弟宏臯嘗草謝賜馬表顧宏節曰馬有旋風之
隊那得一事作對宏節曰獨不聞軍有偃月營耶宏臯欣
然提筆云尋當偃月之營擺作旋風之隊武穆王稱賞之
宋

楊維武陵人登嘉祐進士第穎悟工詩神宗朝進宮柳詩百

篇上大稱賞御書清白傳家四字賜之姓譜

明

李浩字季昌沅江人永樂庚子舉人為文高古幽奧人稱為

制藝中法言繁露試輒第一舊志

胡贊常德衛人舉景泰癸酉鄉試入監任仁和教諭善於課
授嘗校文廣西稱得士喜吟咏至老不離卷軸以大壽終

常德府志

卷四十一

列傳文苑

十三

舊志

李壽字宗仁武陵人宏治乙卯鄉薦會試不第卒業南雍時
各省士文會日眾推壽主筆削刻文以傳以母故不仕日
放情於山水嘗築室一區周植花木貯圖史於中以睦族
訓子為事舊志

閔廷珪武陵人四歲解詩有夙慧音韻鏗然一時有神童之

稱弱冠舉正德丙子補東陽教諭陞知濟寧州舊志

李春熙號沅南桃源人嘉靖甲午舉人萬縣知縣幼稱神童

辛卯年十六已中式以一縣四李擲之年十九復登賢書

著有屈亭稿道聽錄尤長於四六至今傳之縣志

彭彥號泉山桃源人嘉靖丁酉舉人學問淵博不樂仕
著有五經質疑讀左瑣言綱鑑拾遺訂正經史劇譚等書

縣志

陳可禹字少朗武陵人仲錄子

可禹將信子壻俗傳謠語多誣

生而穎異為

文援筆立就不加點誦之有聲性豪侈綺屏繞坐傳籌按
板偶出則並轡連鑣放情山水豪吟雄辯四座皆驚卒以

放達終春官學士陳思育題其墓云武陵才子

坦山集 參舊志

胡謂仁字夢蘧武陵人萬歷己卯舉人淹博為時所重官瑞

昌知縣著有嗜躅集尺牘紀略子虞衍登進士

舊志

陳佐聖字彥甫武陵人仲命孫天啟貢生生而敏悟九歲能

常德府志

卷四十一

列傳文苑

三

文淹貫羣籍以博古應馬提學試卷出一時紙貴由明經

訓甄水升東鄉令子穎有傳見隱逸孫金鑑亦能詩

舊志

曾之忠字亮公龍陽人壽貴子少聰俊少詹羅諭義巡撫郭

都賢擬為衛玠所著宮詞百詠浮湘吟皆為序以傳

舊志

闕士琦字褐公桃源人為諸生有文名登崇禎甲戌會試亞

魁陳情養母以部檄屢促授南安縣未幾丁內艱服闋赴

京方抵維揚遇悍兵強易其舟嘆曰時事如此復何為哉

遂歸明末題授翰林編修卒不出著有桃源索隱博捕鯉

亭二草道學叅同金剛經註疏鐵鹿草等書遺稿流傳

者惜之 縣志

世甫武陵人崇禎貢生少有雋才年十四爲舉
其昌所激賞詩文膾炙一時公卿間多尊禮之以明經

考授知縣卒 舊志

邱世望字當世武陵人以博古應試屢得冠軍著述甚富不

樂仕進以明經終 舊志

楊勳字吳氏武陵人十歲能文學使王澄川異其才首拔食

餼著有寂堂集並選刻蕪詩傳世 舊志

胡世寧字友清武陵人工書詩文具有逸致著睡鷗堂集 府志

楊嗣昌於崇禎己卯都中寄里中諸茂才書云季創初寄

我文字如巴江秋漲落見水痕胡友清寄我新詩如月入

常德府志 卷四十一 列傳文苑

深林靈光逼漏其二子者楊吳氏如古禪猛棒劈面無情

唐及菴如東西晉人清言自賞吾武陵可謂多奇矣區區

若得歸與愿且忘年逐隊二三子其許之乎

劉大字字宇泰常德衛人崇禎己卯明經敏達善詞賦萬言

不竭以子昌臣貴贈如其官 舊志

龍人備字孝若武陵龍襄子有才名構思深造成一家言 舊志

瞿龍躍字天門武陵人崇禎選貢傲岸自喜遍歷名山大川

有題咏自鑄石壁納稿瓢中號一柯行脚道人

事 國朝順治中徵隱逸府縣

國朝

賀奇字庸也號天放武陵人崇禎選貢前會昌令延夔曾孫弱冠有名與同郡胡世寧楊勳唐訪相倡和肄業濂溪書院學使者推賞之考授中書舍人崇禎末加兵部職方主司監軍監察御史祝髮峨帽隱滇黔間幾二十年 國朝蜀院真題奉

借赴

部未仕郡守胡向華延之纂修郡志初遊晉修霍州志

孫嗣字空同康熙己卯舉人 賀氏譜

孔尚質字元長武陵人撰十六國年表二十卷 四庫書目

石鯨字浪秋號橫海武陵人順治戊戌進士少穎悟有才名

常德府志

卷四十一

列傳文苑

其

家貧嘗燎樹葉以讀書邑先達某慕其賢資以粟却不受授北直灤州牧為政簡易以清介忤要人罷官登泰山觀渤海徧覽名勝著鷹來草堂詩集與湘潭王岱相倡和嘗與徵全楚詩文彙選未成卒 通志

彭遐齡龍陽人順治貢生選衡山教諭與修南嶽志時推淵

雅

楊緒字胄遠號朗溪明太傅嗣昌孫為文操管立就若夙構傳誦一時康熙壬午鄉薦癸未成進士改庶吉士授編修館中有第一人之目有頃因事回籍拘禁以潛往桑梓事覺下獄赦免終於揚州子師曾式曾俱諸生受詩法於長

洲馬璞

徐昌支字崑流

武陵人大父之琛順治貢生任黃岡訓導有

學行能於文

藝決人通寒劉昌臣方數歲一見決其必貴

以女妻之諸

孫俱有文名為時所重而昌支為最著舉康

熙乙酉鄉試

年例推選以知縣用不就銳意甲科累上公

車輒報罷歷

黔楚齊魯幕府所至名公卿相引重詩宗杜

韓兼及玉溪

劍南能脫去跡象卓然名家嘗自言耽吟四

十年未敢向

人言詩漢陽李廷翰獨相激賞謂其落筆流

離頓挫實追

前賢時輩不及也著有佷山草堂集兄昌夏

字鴻軒康熙

貢生與昌支名相亞每讀書立課程焚香跪

常德府志

卷四十一

列傳文苑

七

誦遂博極羣

籍善屬文日得十餘藝門人劉武秋訂其集

得若干卷

按昌支先後入提鎮高其位巡撫李發
甲葉湖南此分闡昌支實始發其議

王為壤字不石

龍陽人少慧能文於詩古駢體尤所獨嗜中

康熙癸酉副車

挾所著臨沅集走京師百軸錚錚先達爭

器之薄遊吳越

歸里一日取舊刻盡削之投之江流己卯

復走京師所造益深

相傳為壤見漁洋與論詩不泮然心
服之輒毀其少作雖名流許許不惜

楊超曾為陝西

學政聘佐文衡嘗念岳有志南湖無志願

乞一冷官買舟

湖上為水伯快書吏勸成一編屬草未竟

而卒陳養元為

梓其青原餘集鵲江張長庠謂所存諸什

如珠爛泥塗劍

燭塵空光終不滅弟為垣字東注與兄壤

並有文名時稱二王舉康熙甲午鄉試雍正癸卯登別人才應得補吏簿書繁碎非其好也一生簡直以齟齬窮惟刻勵於文詞曼衍澎溟已乃獨開崖岸琢鏤完好一日寸裂取所著悉焚之曰知我者冥酒以君也識者惜之著有六瀾堂集季爲城邑諸生亦能詩

陳一揆字宅衡龍陽選貢嘗參湖廣以提鎮幕闕墅城南著文自娛康熙中修總志長沙廖大隱因遺稿纂楚風補一書未刊以屬武陵陳應元應元前卒其子請一揆監修甫付梓爲大隱子所牽控巡撫趙爲白其事憐其志在遠遊並給以資遂歷覽吳越詩境蒼涼晚更純粹有瓠餘集

常德府志

卷四十一

列傳文苑

六

周秉官字問郊武陵人康熙乙酉選貢以咸安教習考滿補福建福清知縣才甚敏有求書者詩歌長短隨人紙幅爲定畫工白描人競寶之嗜酒縱談以投壺擊劍之屬皆所嫻習每酒酣輒起舞因自號半顛

夏大春字繼朔武陵諸生家窘甚澗田心經籍善詩尤工行草閒逸自喜求書者趾接於戶嫁女乏奩具卽以手書一篋畀之婿每售一紙輒得善價人謂逾於錦綺選刻邑人詩名粟園詩選

丁之翥字桐鳳武陵人中康熙癸巳恩科善詩文時稱有仙才子用有字渠書中雍正甲辰鄉魁與姪方薦同榜

授淑浦教諭詩文膾炙一時

鄧鈞字玉韶武陵人少負雋才喜吟咏雍正壬子舉於鄉北
上過邯鄲有句云辛勤莫厭邯鄲道纔是庸生入夢初尋
卒

明期頤字永叔武陵人由例貢歷官江西臨江府知府被劾
落職寄居無錫之西門乾隆丙辰舉博學鴻辭大學士稽
江蘇巡撫顧交薦之固辭竟以部駁不得試永叔家世通
顯祖統虞內秘書院學士父獻徵江蘇布政署直隸巡撫
兄期恆甘肅巡撫罷官後家益貧落所向皆不得志在都
時與大興薄學士倡酬最密詞科掌錄

常德府志

卷四十一

列傳文苑

九

劉天位字慎叔武陵人樵之子按樵雍正五年舉孝廉方正分發貴州時方理飭苗疆公
鵝寨背山面河負固不下上策請破其犄角兩寨然後三
路合攻搗其巢穴督撫重其膽識委修河道自施秉達黔
陽五百餘里補施秉縣王子九股苗叛樵被圍臺拱者七
旬乙卯調七省兵征苗委樵辦軍事歷官永昌府知府緣
事終幼穎異讀書數行並下復篤學隆冬置木足下圓轉
永昌幼穎異讀書數行並下復篤學隆冬置木足下圓轉
煖足乾隆丙辰進士選清書度吉士時年二十告假完

姻先樵卒

陳長鎮字宗五號延溪前寧國令養元子雍正庚戌舉孝廉
方正郡邑以長鎮應詔不就繼以優薦入都多羅平
郡王慕其文行敦請以親老固辭乾隆元年舉博學鴻辭
戊午舉鄉薦再上春官王因致其母諭以娶之不欲入

不恥特著別第館焉時遇從諸問與言一依於忠孝舉直
人懿行嘉言以證 王益加敬戊辰成進士改慶吉士充
武英殿纂修官乞假省親至闕聞母喪大慟嘔血數升委
一苦由數月卒長鎮幼篤學才思溢發家多藏書繙研殆
編所爲古今文別裁僞體 滙眾美成一家言茶陵彭維新
謂其詩始跨昌谷繼神明於昌黎少陵以闕漢魏縱橫沉
厚不可端倪時謂知言翁 運標知武陵時呈請倡修書院
及東關石櫃石櫃關郡中利病尤急捐助不資卒竣工所
與交有面規無後言一而之識告緩急必竭所有相資助
卒之日識與不識皆悼惜之著有白雲山房詩古文集及

常德府志

卷四十一

列傳文苑

三

雜撰二百卷子詩澇字箕仲工詩由附貢授例補廬陵縣
丞歷署安義南豐瑞金新建等七縣有惠政好書籍先世
雅有藏弃詩澇益購求善本每出遊恆以數簾自隨校讐

吟誦殆無虛日卒於署

通志蔡行狀試鴻詞擬高等當
事以舉主同姓有族誼抑置之

龍昇明字泰階號茶仙武陵人乾隆明經任江華訓導少穎
慧嗜學長工詩古文善楷法遊覽所至輒有題咏著有洗
硯等集子維祺字元介七歲卽通闕史鑑長史篤學養殮
弗給引不挫其志乾隆丁酉選貢成均充四庫館謄錄庚
子舉京闈所在士大夫皆折節與交非其義一介不取與
邁疾卒於京邸

楊和字元專武陵人超會長子有夙慧歲餘教以詩數遍成誦三歲能作字七歲通五經古文解韻學辨悉唇齒音十歲操筆成文未幾邁疾不良於行益勤學伏枕披讀夜以繼日逝年二十二所撰有經史彙辨二十卷爾雅補註十卷小爾雅註十三卷山海經匡整十八卷急就篇註三十二篇

陳長槐字培南號朗門武陵人辰谿司訓亮虞之孫生數月失恃少長痛念劬勞見母氏於夢旦而詢諸人則果母也父病劇聽醫言嘗惡以驗治否刻苦向學補弟子員屢擢優等家苦貧資筆耕爲業每值春秋祭及父母生忌日不

常德府志

卷四十一

列傳文苑

三

得歸卽於館所致齋悽愴怵惕之情見者悽然欲絕舉乾隆壬午鄉試亞魁三上春官不第廉隅自勵不以世好摟懷所與遊皆一時名俊學使盧文昭薦王淑邑書院講已陝臬秦勇均聘王渭南書院講邁疾卒子詩暹獨涉數千里以櫬歸著莪堂詩賦集六卷

龔大萬字體六號荻浦武陵人少孤貧力學補邑庠學使吳鴻奇其文目爲國士復從劉翰編元燮遊尤激賞之貢成均銓永順訓導時苗疆初開士鮮知學郡守掌書院從遊者甚衆士習一新戊子舉於鄉辛臬臚唱除部以朝考人選收庶吉士散館授檢討

修官大學士劉統勳復奏充三通國史館纂修
日之中兩與清選蓋異數也旋充四庫館分校丁酉典試
廣西正考官丁內艱歸就聘修潯州府志旋休職東

巡遊鑿

名試行在授中書外之補內閣典籍廳年已六十遂

不出大萬天姿高邁爲文明麗灑落衆口傳誦而尊禮前
輩推獎後進如不及視富貴氣焰蔑如也嘗謁劉統勳
人有傲色大萬厲聲責之劉爲之改容每語人曰吾輩中
亦有氣骨如斯人者平生揮金如土意欲以廣廈千間大
庇寒士浮沉玉署幾二十年未展所蓄人皆惜之所著全
藁散佚存賜扇樓草再遊粵西草二卷從弟大慶雲南典

常德府志

卷四十一

列傳文苑

三

史大萬無親昆弟友愛之至老不渝

吳俊升字宅三號芷泉沅江人始生之夕其祖父夢洞庭君
以修脯持贈醒而異之七歲入塾過目輒成誦有神童之
目年十五應童子試郡守雷暢奇其文拔冠軍招入署與
其子翀霄遊旋補郡庠食餼督學莊存璵毛師灝先後
諸生俱置高等督學吳鴻尤有針芥之投由此益有聲
南乾隆乙酉選貢成均庚寅舉於鄉辛卯成進士改
士授編修卒於京耶俊升自少攻苦好學無間寒暑
史子集淹貫博洽作文必根柢六經一洗軋轢
學者比之威鳳祥麟靜居一室足跡不出戶外

面事曾祖母及父母孝行純篤一門雍睦無間言讀書窮
理務為實踐從學者踵相接庠序知名之士多出其門詞
垣課藝千言立就同館諸人皆驚以為神高麗貢使趙某
一見即相締好臨歸以本國紙物數事易其文以去與郡
人龔大萬素同學復同預清選情誼甚篤及卒為之經
紀其喪著有芷泉詩集初俊升與武陵陳詩龔同館葉椒
谷郡守署中詩龔師事之見俊升
長身偉貌寡言笑動止不苟問其學無所不窺每歲必讀
五經過為文構思甚敏不加點竄而吐屬清華使覽者
氣奪殆弟俊昇字可廷舉乾隆癸卯鄉試好學工文聲譽
與俊升相亞庚戌會試已中二名總裁朱亟激賞之以次
場遺式被黜主講衡山雲峰書院著有詩文集若干卷

常德府志

卷四十一

列傳文苑

三

羅時昶號楚山人琮孫由拔貢官永順訓導弟時暄由歲貢
官鳳凰廳教諭預修辰州府志陞德安府教授兄弟皆工
詩古為時所重時暄有集若干卷

胡蔚字少霞武陵人期頤子寄藉無錫由拔貢效力河防例
官司馬以廢病謝去兩遊滇迤西學詩者多尊師之選滇
南集徐嗣曾巡迤西招致之以語於巡撫孫士毅因主成
材書院卒於滇徐為瘞於城北之商山蒙化彭翥數為蔚
所稱引旋吏粵時徐方撫閩亟推轂之遂大起為刻其萬
吹樓集徐並為序以弁其首滇南詩話成材書院本舊是
明書院徐兩松稍振之為蔚
人胡少霞地也雲客謂楚人之客滇者前有段寒香後有
胡少霞少霞雖根楚而長於吳雜吳音不如寒香之專以

瑞字香崖亦號湘崖龍陽人少穎慧讀書數行並下款
癸酉選貢補安仁教諭署醴陵等學遲回冷署資薄祿
著詩自娛忘情進取寓長沙最久與諸知名士相唱和卒
於長沙初居郡城東郭從朱景英受詩久乃自闢畦徑七
古學李杜兼及韓蘇撞入籓籬時窺堂奧七絕摹倣遺山
亦復淒婉有致嘗論詩示子弟曰冥搜經子史總括天地
人可以觀其自命不卑姬人趙氏爲錄其遺集若干卷
王汝禧字孝承號南陔亦號春野乾隆歲貢生其先籍浙江
錢塘迨幕於楚遂爲武陵人禧少英敏自刻苦向學騷選

常德府志

卷四十一

列傳文苑

尤所究心少稟家學兼師朱景英弱冠時詩古文詞下筆
卽數千百言不竭補學管弟子旋食餼禧風采端秀前

褚廷璋督學楚南試詩古得禧作極擊賞之以爲在館
閣中亦稱傑出屢困省試恬然不以介意平居行誼堅正
不負所學著詩教堂集規摹古人步伐嚴整不失尺寸大
學士親酌爲之序其外甥給諫趙慎畛梓行之子慎向字
青陵亦篤學工文申乾隆己酉鄉試

沈定益字鼎南武陵人乾隆己酉鄉試第二家苦貧日事吟
哦厨無烟帶恤也嗜酒引杯輒陶然終日恣談諧
世中好事載酒遊山挽

無侘僚不平之意見于篇章詩亦放縱洒落如其人一試
春官歸卒著有鼎南詩集門人白鳳玉字篔圃郡廩生亦

工詩

陳惠鈞字幼鴻祖沿常捐千金助朗江書院膏火惠鈞由廩
貢拔例選瀏陽縣教諭好學工詩七古學東坡有其音節
終甯縣教諭有芷園園集

常德府志

卷四十一

列傳文苑

三

卷四十一終

